

欽定石渠寶笈三編

欽定石渠寶笈三編

養性齋藏

列朝名人書畫

宋趙伯駒畫春山樓臺一卷

宋文天祥尺牘一卷

宋錢選畫西湖吟趣一卷

宋人博古圖一軸

元趙孟頫自書詩詞一卷

元倪瓚書靜寄軒詩文 一卷

元吳鎮墨竹譜 一卷

元楊維禎五福圖 一軸

明沈周畫山水 一卷

明文徵明自書虎邱詩 一卷

明董其昌書杜甫醉歌行 一卷

明董其昌仿黃公望山水 一卷

明人應制詩頌 三冊

本朝臣工書畫

成親王書

御製銘一卷

阿爾裨畫扇

一冊

董誥畫山水

四軸

[illegible]

宋趙伯駒畫春山樓臺

一卷

〔本幅〕絹本縱一尺四分橫九尺三寸七分青
綠界畫畫岫幌巖扃瓊林碧樹危橋隱浦傑
閣臨江賓從踦裳登高眺遠款浙東兵馬提
轄趙伯駒製鈐印一千里

〔後幅〕題跋

人謂趙千里畫全法大小李將軍不知李之
妙在山石林泉筆格道勁得湍瀨潺湲烟霞

縹緲難寫之狀而千里則博學精識用意至
到凡境之所涉目之所成即領其要如學荆
關顧陸參以僧繇道元及前世名手盤礴胸
膈者甚盈乃集衆善以為已有故雖步趨古
人而實不蹈襲其迹如此卷人物樹石種種
分別狀貌使人望而知瑤臺瓊館山林藪澤
遠近深淺至於動作態度屈伸俯仰尊卑貴
賤咸有區畫非若世俗庸工混為一律止以

規矩準繩濃塗淺染供人玩好已也後款自
列官位當以貽津要之人故精嚴尤異於平
日觀者當鑑別之至正六年歲丙戌秋仲大
中大夫廣平路總管長洲浦源無印 嘗論
古人作畫若不作荆浩闕同畢宏張璪之木
石瘦硬烟雲遠近一以色取之則當若大小
李將軍之真山真水草木人物臺殿館閣皆
令如本

誤句有

獨千里之筆特造其妙雖師數

子而擅出藍之譽當時宋思陵極愛重之世
所留傳甚少此卷天機所到精意隨之自然
天成條若造化真畫中之聖不可及也金粟
道人顧阿瑛題鈴印一顧瑛 宋徽廟博精
繪事故一時親王宗室畫院皆極工巧南渡
稱最盛者伯駒以天潢貴品而究心菰林得
纖微之理若此卷布置奇曠界畫端嚴樹石
蒼勁人物古雅可謂諸美畢臻得象外之趣

矣。越胡元及今，神氣若新。鑑賞家什襲可知。吾友耐軒學士得之，就余鑑定。漫書如右。金華宋濂鈐印。一宋濂之印。余有生嗜古人書畫，嘗忘寢食。每聞一名繪，即不遠幾百里，扁舟造之。得一展閱，為幸。此卷宜與吳大本舊藏之物。大本當獲之時，欲索吾郡吳匏庵沈啟南二公評識。未果。大本遂他遊，而沈吳兩公亦前後未晤。於此卷誠一缺陷。事戊申。

三月同友人遊善權因過吳氏之廬訊其嗣
君因索觀之見其一段瀟灑出塵氣象烜然
可掬猶若臨風把隋珠和璧為之擊節即欲
效顰一二恐未易窺其堂奧矣是日同觀者
湯子子重錢子孔周及外甥陸之箕因并記
之嘉靖二十七年三月下澣文徵明鈐印三
文徵明印徵仲傳雲

鑒藏寶璽

金五璽

寶笈三編

收傳印記聚好樓鑒藏神品悟言室印鄧姚
安道師德靜學齋宋源之印彭孔加氏寶藏
來王太璞杏雨軒季氏珍藏書畫之印吳全
節氏子孫億世家傳之寶

謹案蒲源長洲人至正間仕至大中大夫廣
平路總管輕車都尉封京兆郡侯見蘇州府
志吳大本名綸自號心遠居士宜與人善書
得法書名跡必日臨數過見震澤集



宋文天祥尺牘一卷

本幅紙本縱九寸橫二尺四寸七分行草書

札語口口口口

缺字

未見何如運一棹也回信

在二十後則可定一唐仁臣不測有申述

宜速應之或渠得章貢捷劄宜即率二謝兵

馳入城與之共守卻欲報行口口萬兵即下

口事又在目矣

一諸處

處字旁注

取到物色已

有幾無對證無數證者固是難理會如優全

所共如前。此項下有數目者。即與爰行根究。

須斬犯法者。

者字旁注

數人。然後取得起。若肯納

還者。又可少寬其刑。如平素省罰。如印紙。他

門收得。亦何用。此納誥之人。誥在其手。則省

劄印紙。勅黃皆在焉。

一徐妳同柳娘在劉

千戶下。傅仝已親

疑脫見字

之。但虜榜不載。想徐

妳託以為別人女。不直指為吾女也。徐妳有

夫。此項可託其夫往贖。幸圖之。

一環娘十

歲虜中既無名想亦在民間此項須遍劄永
丰諸隅物色方有出場一在此無片楮可
用費力費力全靠使司取些物色來及靠舍
弟與民章來有些小攜帶此外無策無策

一黃州周都統死於瑞金可惜可惜一在

瑞金時賤體一病甚可憂入汀以來幸已勿

藥一合家書

書字旁注

與舍弟又一書達民章

又一書達黎撫千戶送達

天祥皇恐拜筆

十月八日發

後幅題跋

嗚呼此文山先生真蹟也詳味此書乃空坑之敗之後遺其所知者之書蓋是時天阨甫脫勁敵在後政流離顛沛之際荒迷不次之秋也而其筆意乃雍容閒雅無一毫驚懼忙迫之狀如此然非素存素養之熟能如是乎毛氏幸得此書今讀其辭想其事令人心膽

奮揚精神凜冽有不勝其感激者焉因泣下
而謂夫後世之為人者其立心操行亦當何
如耶一奉鈴印一冰葉 乾隆戊子初夏得
觀錢塘鮑君廷博所藏信國公遺像及空坑
敗績後家書殘幅卷子予曾見公像存廬陵
家祠者與此無異當是昔人臨本絹雖黝裂
生氣奕奕欲出予別為詩題之是卷家書凡
八條共三百四十七字蒼勁古秀兼晉唐風

骨中間處分公事及令贖覓柳環二女規畫
井井筆意閒逸無蒙難急迫氣象定力固何
如也鮑君跋云文山遺像始得諸友人傳述
越歲以無心購之市肆遂重裝藏之憶予在
京師於癸未試燈日獨遊琉璃廠忽從書賈
敗楮間得史閣部道鄰像並靖難前數日家
信一牋亟購以歸與鮑君撫拾如出一致按
明史本傳道鄰母夢文信國來翌日乃產及

攷公平生孤忠大節出入艱危與文山無異
於戲日星河嶽精氣不磨家國淪亡之際何
以後先肩任者不辭一再現身耶予為信國
鄉人不難往摹公像鮑君景仰文山於閣部
又當何若也四月初五日鉛山蔣士銓書於
戢山天鏡樓中鈴印四我見如是史官士銓
扶植人倫此冊舊跋稱一峯者不知何人
以此為公空坑敗後所寄之札因札內有託

人贖覓柳環二女之語史稱空坑之潰公妻
妾子女皆見執故云爾蔣太史跋遂因之予
攷公空坑敗後收殘兵奔循州明年進屯潮
陽即為張宏範所執送之至燕京矣無復至
汀州之理而此札云在瑞金時賤體一病甚
可憂入汀以來幸已勿藥則此札乃在汀州
所作非空坑作其辨一也元兵破臨安公被
拘至鎮江亡入真州崎嶇至高郵乃泛海至

温州又至福州乃出江西收兵入汀州遣趙
師賞等將一軍趨賴此札有云得章貢捷劉
宜即率二謝兵馳入城與之共守正謂此若
空坑敗後安有江西用兵之事其辨二也二
女必係臨安破時亡失今行朝已立公方圖
復江西故遣人尋覓札云柳娘在劉千戶下
虜榜不載可託人往贖環娘虜中無名想亦
在民間須遍劄物色方有出場蓋一則為千

戶收留故欲往贖一則尚未知其處方欲物
色之然皆非被獲於虜者札中甚明若空坑
之敗家屬皆被李恒執送至燕何由贖之而
物色之乎其辨三也予齋中適無公文集聊
取宋史及陳桎王宗沐續通鑑叅攷而定之
如右至公之大節定必固不待言鮑君以文
購得公畫像又得此札鄭重寶愛裝池藏弄
其志趣有不同流俗者信可嘉尚云乾隆三

十有三年戊子夏五月既望東吳王鳴盛再
拜豎手敬題於吳閶小山書舍鈴印一西莊
居士 信國為有宋一代偉人不必以書重
顧其清勁道逸雖淡墨數行自有一種真性
情真精神在斷非贋作所能也鮑君其寶藏
之乾隆辛卯上巳日錢塘梁同書敬觀鈴印
一梁同書印 嗚呼自古精忠勁節百折不
撓至文信國公極矣今觀其遺札雖慘淡破

裂而握拳嚙齒之概凜然見於楮墨間足令
人骨震涕下非誠至曷以能爾余又聞厓山
之覆陸丞相秀夫於海舟中手紀一編授劉
某傳後未幾劉亡失之遂不獲與公札並珍
於世翰墨蓋亦有幸不幸歟因讀信國書并
誌其事王杰敬題鈐印一王杰之印 右宋
文丞相遺翰前已殘缺莫詳所寄何人據後
一峯跋是為丞相空坑兵敗之作鉛山蔣太

史題無異詞而西莊王先生以札中入汀一語疑之謂公空坑師潰即奔循州至次年被執初無入汀之事蓋祇據宋史及陳桎續通鑑為證而未及深考也按空坑之役在景炎二年八月公夫人及一子二女俱陷失公於十月入汀州十一月至循州見公自著紀年錄又公集杜詩第七十首序云行府敗於江西收散兵復入汀州尋出會昌入安遠趣循

州是冬屯南嶺第一百四十三首序云丁丑
八月十七日空坑之敗夫人歐陽氏女柳娘
環娘子佛生環之生母顏佛之生母黃並陷
失尋聞自隆興北行惟佛生已死云云此札
作於十月八日且有入汀之語與公自述一
一脗合若西莊所謂臨安破後公子女失陷
情亦近之然考紀年錄云景炎元年十一月
至汀州明年三月至梅州然後與一家相見

按景炎元年即德祐二年其時公眷屬在梅
州未嘗在臨安也寧有失陷之事乎惟錄云
咸淳丁卯二月女柳生三月女環生距景炎
二年柳娘環娘俱已十一歲而札云環娘十
歲為少異耳札中唐仁黃都統黎撫千戶皆
無可考末云一字達民章民章姓劉氏名子
俊與公同里相友善官至宣教郎帶行軍器
監簿同督府機宜文字景炎三年兵敗遇害

此正與公戮力王室時也惜乎其書失傳矣
別紙一峯題識不署姓名惟用冰蘖一印殆
亦宋之遺民不欲以姓氏著於元者與此卷
舊為中丞李公鹿山所藏乾隆壬午余從武
林書肆得之考公就義在至元壬午相距已
四百八十一年札又作於前六年而楮墨無
恙若有神物護持之者謹重加裝潢復因西
莊先生之疑畧為考訂俟覽者更詳定焉右

鮑君自為跋語。援据精核。殆無遺憾。乾隆甲
午秋八月。拜觀於青雲旅次。遂為書之。挂名
卷末。與有榮施矣。吳興陳焯鈐印。一陳焯印。
昔余在吳下。曾見文山墨蹟。凡十餘條。中
說空坑兵敗之事較詳。其後載妳環娘流落
之由。與此本相類。其字畫日月亦相類。時同
觀者數人。三讀歎歎為之泣下。余友殷近夫
跋云。使公少用於德祐之前。國尚可為。使公

不死於景炎之後身無所安時讀其詞咸願
為之執鞭不可得者初不暇論其真與贋也
今觀一峯之論豈此本得之毛氏者乃為真
蹟而吳下所見者誠所謂虞褚蘭亭邪於乎
百世之下片文隻字流落人間雖偽為者亦
能使人興起其他可論哉文丞相空坑兵
敗後手札世有二本以一峯所跋毛氏者為
真見鄭善夫少谷集今為吾友鮑君以文鑒

藏珍如拱壁。乾隆甲午九秋。鮑君出示燕昌
與祖香朱方衡同觀。因少谷跋已不復存。為
鈔錄如右。鄭跋末語。疑有誤字。當求善本是
正也。鹽邑張燕昌用方于魯墨敬題。鈐印二
芭堂。張燕昌印。汀州多大忠廟。曩余宦其
地。肅拜祠下。仰瞻公像。凜凜今觀此遺墨。想
見當日由汀入贛。惶恐灘頭。濤奔風怒。孤忠
灑泣時也。溧陽彭光斗敬跋。鈐印二。光斗書。

傭子。千載書傳墨未乾。冰天老淚染毫端。
驚心國破家亡恨。莫作龍跳虎卧看。骨肉飄
零恨不禁。劒鋒消盡筆鋒森。乾坤何地能存
宋。祇有孤忠一寸心。石門方薰敬題。鈐印一
蘭坻。錢塘鮑君以文寄示此卷。為宋文丞
相手札真蹟。書凡八條。字共三百四十有七。
雖有殘缺。而筆力蒼勁秀逸。神采猶存。洵可
寶也。舊跋稱一峯者。不知何人。以此為公空。

坑敗後所寄之札。王西莊光祿獨定為破臨
安後之書。蓋祇據宋史及續通鑑而斷耳。鮑
君按公自著紀年錄及公集杜諸詩序。謂作
於空坑師敗之後無疑。則較之西莊為精核
矣。札中所稱民章。乃劉公子俊。空坑敗後復
收兵保洞源。接應諸郡縣。事載史冊。所稱唐
仁。僅見諸泰和尹文和公忠義祠祀。祠在廬
陵螺子山下。中祀信國。旁祀口府諸忠義四

十五人。唐仁之名在焉。若所稱黃州周都統
則不可考矣。顧當日兵潰。凡死於王事而姓
氏無傳者何限。幸此卷流傳數百年。不特獲
見公之遺翰。并知有周都統其人焉。殆非偶
然也已。乾隆乙未九月既望。桐鄉朱方鵠拜
手敬書。鈐印二。朱方鵠印。吉人。文山全集
有云。空坑之敗。夫人與佛生。柳小娘。環小娘。
顏孺人。黃孺人。皆為俘。至元帥所。已失佛生。

必有愛其俊秀養為己子矣可知當日公之
眷屬雖被李恒執送而得脫者不一人佛生
已無可訪問故札中祇託覓柳環二娘耳又
唐大章書系云公過南安遣人告墓以弟壁
之子陞為嗣蓋佛生已失而瑞金一病不得
不為立嗣之舉當在將入汀之先正與此札
相合益知西莊定為破臨安後之書恐未必
然西莊素稱淹雅而此段考據則疎矣他日

過婁東。當與反覆論之。非余之左袒鮑君也。
閔一日方藹。又書鈴印二吉人。半閒堂築
西湖幽。法書名畫。傾公侯木棉庵中。攜不得
半。作劫燼。無人收。當時豈索信公書。至今尺
紙逾天。球鮑生家。亦居湖濱。物不貴異。惟其
人牙籤錦贖。幾千軸。得此謂可空其羣。寥寥
三百卅七字。空坑敗後。從容寄幅。殘似恥瓦
欲金。色淡還思淚深。漬已教八口墮虎穴。忍

令孤城怯螳臂。間關久置成敗算。俛仰尚兼
家國計。臨危示法。先示信。檢點殘軍。收劄印。
人亡縱失將。伯助天意不終以疾困。

公書云
在瑞金

時一病甚可憂可憐覆巢難復全。生男夭折女棄捐。

魂從朱鳥返天上。心照青簡傳人間。傳疑傳
似任史官。黃冠故里恐非真。况為曲筆揜正
氣。大元革命邦維新。浮蹤偶向關海寄聚訟。
空若鴻溝爭。如公可死死亦嬌。龍首黃扉致

身早歿殊葛公節義傳生勝睢陽宰輔表後
來豈少登科名豪華但學公平生讀書不識
忠孝字翰墨亦稱稽古榮鮑君以文索題此
卷久而未報頃從鄉之人禱雨白龍禪院歸
將有淞西之役因敬題以還之時乙未八月
九日武進趙懷玉鈐印三味辛恭毅公元孫
趙懷玉 白鴈飛來天水碧好家居作它人
宅惟有孤忠一片心無為金瓦寧碎壁空坑

敗後勢已去。骨月流離不知處。削札軍書旁。
午時筆縱字大何暇。豫流轉人寰。閱年紀正。
氣森嚴。滿素紙。試煩好手勒貞珉。罔俾平原
獨專美。小長蘆楊謙隸書鈐印一謙印。秋風

北道王炎午。落日西臺謝皋羽。殲身不祚葛
侯天。回首猶憐趙家土。策韞奔汀臣力窮。空
坑敗後真成空。浪萍風絮悲何極。慘淡經營
氣尚雄。卧牀難骨丹心在。極目樓船浮漲海。

流離未敢賦無家。轉日揮戈應有待。嬌小還從問所依。環娘不共柳娘歸。當年片紙憑誰託。嗚咽那知勢竟非。飄零殘幅存餘叻。老蠹長飢不忍食。握拳透爪復何論。猶似江南支半壁。嗚呼生才天亦難。何妨為范亦為韓。公乎受命獨當此。一一惟徵鐵石肝。臨安故國蕭蕭夕。鮑子登山持示客。挑燈剔燄忽含青。漬墨留痕皆化碧。碧血淋漓正氣存。黃冠何

處招公魂空堂東卷坐太息中天皓月懸山
門嗚呼中天皓月懸山門乾隆庚子九月既
望四明倪象占敬題鈴印四韭山臣以字行
承天印象占

鑒藏寶璽

五璽

寶笈三編

收傳印記福清李二使曾在李鹿山處馥鹿
山馥印李鹿山氏

謹案式古堂書畫彙考所載文信國此劉後
附載一筆跋語與此卷同但此卷八條之前

另有二行而彙考不載又唐仁臣作唐信臣
即與爰行下有根行二字門字有1旁徐妳
有夫下無此項二字物色來下無及字些小
作些少送達作道達為小異耳又按延春
閣所藏文天祥遺像家書一卷紙墨字畫與
此卷畧同無一筆跋而字句訛別更甚

宋錢選畫西湖吟趣一卷

〔本幅紙本縱七寸八分橫二尺二寸五分設色畫湖石上設文簞及坐具簞上列文具林逋幅巾袖手據坐吟詩前有古銅瓶插梅一枝後一髻頭童子熾炭于盆藉蒲團暝足一鶴在側甚馴自題粲粲梅花冰玉姿一童一鶴夜相隨月香水影驚人句正是沈吟入思時舜舉鈐印三舜舉印章舜舉錢選之印

後幅題跋

童子煨爐不奈寒先生坐久墨將乾祇因香
影都吟盡可是而今下筆難西齋鈴印一悠
然軒 咸平處士詩中仙愛梅結屋孤山顛
庭栽九樹意自足瓶插一枝春更妍踏火蒼
頭思爛漫凌風白鶴舞蹁躑苦吟成癖耽佳
句留得清名後世傳舜舉寫此圖觀其運筆
著色頗極神妙西湖風景如在目前令人展

翫忘黻本心持以請題其後云。洪武壬申春。
天竺釋宏道。鈴印二道竺隱存翁。古來嗜
物多英豪。愛蓮愛鞠。或愛桃。所愛花開。徒爛
漫。清致爭似江梅高。衝寒踏雪西湖路。忽見
湖邊梅半吐。南枝折取晚歸來。擁几相看忘
寐寤。疏花冷蕊回陽春。瞳朦澹月傳花神。不
管更深困童鶴。對花如對冰玉人。老我觀梅
心亦醒。愧乏詩才詠香影。邂逅將軍展此圖。

如在咸平見和靖雙溪行素生鈴印五行素
生槐里後人公餘清興恒齋情發於聲歲
寒梅已花夜靜月將午兀坐林逋仙沈吟案
頭苦曲肱聊自枕興繞西湖渚附火童未眠
知更鶴還舞句逐暗香覓景與精神聚斯人
去已久清節重今古圖畫者何人吳興錢舜
舉安成劉球鈴印三求樂安成世科之家兩
溪閣西湖香雪撲衣中埜鶴山童未報春

新句每從寒苦得。東風桃李屬何人。莆田黃
約仲。鈴印三。黃約仲氏玉堂清致。兩京侍從。
凍鶴吞聲睡正濃。小童添火炭初紅。先生
坐到無言處。思在暗香疎影中。雲岫鈴印三。
天官之章。夏廷美氏雲岫。予觀吳興錢舜
舉所寫西湖處士林逋觀梅圖。一幅精神巧
妙。筆力俱到。蓋所謂能以意而會意也。處士
當大宋大中祥符間。天子無事。天下太平。王

旦王欽若陳堯叟諸公作宰輔自謂君臣同
得曠世所無之遇封泰山禪社首祀后土幸
汾陰錫天下緡錢三日大酺極盛事也又勅
高年有德懷才抱器者即其家以表異之乃
即處士西湖之上予其粟帛贈謚曰和靖先
生蓋處士力學好古恬淡無為家素羸簞瓢
宴如居西湖上廿餘年未嘗足一至城郭其
自守如此繞屋惟梅數株花時則坐其下愛

其芳香冷襲質而無華淡而不厭於羣卉凋
殘之候有君子之態故嘗有冷蕊疎花之詠
後世之士有好之者嘗模其狀與其所好以
為清玩舜舉此畫乃增一童孺擁爐呵手而
坐一鶴踡跼回翔于側一磁瓶貯梅花於案
先生據蒲席笋褥大布幅巾凝神置筆熟視
思與梅為一者予意斯時也皓天雪霽月落
參橫四顧沈寥此景此意惟舜舉為能寫之

他人所未解也。惜舜舉徒能寫其一時清苦高潔之趣，而又未必能諧處士之志也。知疏影橫斜，暗香浮動之妙，而又未必知有茂陵他日求遺稿之作。蓋處士之深意有在也。此意畫者宜非世所可知。今給事中姜君以儒業世家，學識超衆，才行不羣，亦自綽綽然有餘裕哉。其忠君戀闕之言，惓惓然不絕於口。況當聖世隆平之日，文武并用之時，有才者

宜自見也。一日以此圖命予以識之。予謂君

當於宋廣平之

字問一

求為一觀。此圖雖巧妙

庸知非世之所重寶也。歟。宣德五年庚戌仲

夏朔翰林修撰承直郎盧陵周岐鳳書無印

孤山踏雪歸來小窗試問梅開未一枝折

取暝瓶添水喚回春意瘦影疏疏暗香楚楚

月昏黃處向冷齋清夜憐渠寂寞伴孤坐時

相對想像細尋詩句有誰解此時佳趣紅銷

爐焰寒欺鶴夢蒼頭欲睡綠萼無言冰凝硯
沼風生吟几到西湖莫負當年舊約餐英嗅
蕊水龍吟譜夢閣鈴印二張長 西湖處士
貌冰玉瀟灑清癯絕塵俗膽瓶插得一枝春
憑几微吟看不足暗香浮動入詩腸吐出驪
珠三萬斛雪霜骨格瘦難支水月精神清可
掬小童抱膝擁紅鑪野鶴歸來伴幽獨貞節
高風何處尋夢魂飛繞湖山曲尹鳳岐無印

引首

西湖吟趣篆款中書舍人鄭雍言篆鈴印二

鳳凰池上客乙未榜賜進士出身印

鑒藏寶璽

五璽寶笈三編

收傳印記崑山徐氏鑒藏重壽至寶

謹案西齋沈叡號叡字有莊吳江人洪武四年舉明經有西齋集釋宏道字存翁俗姓沈吳江人住持杭州上天竺洪武中被召為僧錄司左善世見四朝詩姓名考行素生疑即陳益字啟行自號行素高安人永樂間以五經教授於其鄉見四庫全書提要劉球字求

樂更字廷振永樂阜丑進士歷官侍講以竹
王振就獄支解死贈翰林學士謚忠愍著有
兩溪文集明史有傳黃約仲名守以字行蕭
田人永樂初徵至京師歷官翰林檢討見興
化府志周岐鳳初名鳴岐以字行廬陵人洪
武間以儒士徵授桐城司訓改長洲歷官兵
部員外郎見蘇州志攷江西通志云初名鳴
又云吉水人此冊自題廬陵蓋志誤也夢閻
張肯號肯肯字繼五吳縣人有益菴詩集攷見
續編尹鳳岐字邦祥吉水人永樂戊戌進士
歷官侍讀見江西通志鄭雍言鄧縣人永樂
乙未進士改庶吉士授中書舍人歷官太常
少卿見寧波府志

宋人博古圖 一軸

本幅絹本縱四尺四寸五分橫五尺一寸二分設色畫五文士評賞畫幀或坐或立僮奴分捧鼎彝卷軸旁侍無款印


軸內分鈐

高宗純皇帝寶璽 乾隆御覽之寶 乾隆鑑賞

鑒藏寶璽

五璽

寶笈三編



元趙孟頫自書詩詞一卷

〔本幅紙本二幅皆縱一尺一寸八分前幅橫四尺四寸八分次幅橫四尺四寸行書久客倦遊甚思歸勞寸心之子復南邁欲別惜光陰蕭條楚山遠渺瀰淮水深夢中不可到何用解愁襟余在都下時送劉伯常赴淮東都事詩也偶然記憶戲作大字殊不知其繆也子昂。次韻張大經賦盆荷水調歌頭江湖

渺何許歸興浩無邊忽聞數聲水調令我意
悠然莫笑盆池只尺移得風烟萬頃來傍小
窗前稀疎澹紅翠特地向人妍華峯頭花十
丈藕如船那知此中佳趣別是一壺天倒挽
碧筒醺酒醉卧綠雲深處雲影自田田夢中
呼一葉散髮看書眠至元廿九年九月十八
日燈下為吳中呂君用書子昂

後幅題跋

嘉靖己未朔日。過張伯起冷然閣。出松雪詞
翰卷二篇見示。此卷書法疎爽爛然。尤為松
雪佳筆。同觀者彭孔加師子喬姪子建汝郡
袁裝。文敏公書於勝國。謂之集大成。固無
間然。此二紙開卷有異恍若見米南宮拜石
丈時。雖逸氣橫發而微含袍笏儼恪之態。洎
覽文敏署字。則愈覺其妙。信乎非無所不學
而亦何常師之有。不足與議此也。既同袁兄

觀於泠然閣又復借玩數日謹識以歸之庚
申春仲之望舊吳彭年鈴印三孔加隆池山
人破研齋

引首

趙文敏公大書

篆書

款穀祥鈴印三端居室王

祿之印酉室

鑒藏寶璽

五璽全

寶笈三編

收傳印記且為吳氏收藏有竹清賞

元倪瓚書靜寄軒詩文一卷

〔本幅〕紙本直幅橫裝縱一尺九寸五分橫七寸二分朱絲間篆書靜寄軒詩文五字楷書
邾伯盛氏小像贊游乎古六藝之書林業刻
符而工摹印類夫魯獨居之男子身不娶而
能忍貧飲沆瀣而為漿友寂寞而與鄰瘦骨
昂藏老鶴精神蓋將追蹤西塞山之漁叟武
桃花源之民者非耶
刻古印文詩四韻煒

煌金石刻鬱崛蛟螭文猶遺姓名在蕭然秦
漢分寶玉道幾息瑰奇散如雲朱翁業古藝
千載挹清芬靜寄軒詩靜寄軒中無垢氛
研苔滋墨氣如雲匣藏數紐秦朝印白玉蟠
螭小篆文獨行應如魯獨居心同柳下孰云
迂縱教鄰女沾濡急三字原點去下注改衣沾濡試問高
人安穩無身似梅花樹下僧茶烟輕颺鬢
髻神清又似孤山鶴瘦骨伶仃絕愛憎 辛

亥十二月雲林子因過雲門先生之婁江寓
館遇伯盛相從累日作此并書雲門題篆焉
廿二日無印記上方篆書靜寄軒三字無款
印

鑒藏寶璽

全五璽

寶笈三編

收傳印記蔡伯海印洪楠之印疏谷東吳王
蓮涇藏書畫記山友士行父雲門山房郝瑋
元印

謹案朱伯威名珪崑山人工大小篆尤善篆
刻嘗著印文集致名蹟錄性孤潔讀書十年
不下樓楊維禎為撰方寸鐵志見蘇州府志
雲門張紳號

元吳鎮墨竹譜一卷

本幅絹本縱一尺二分橫一丈六尺八寸畫
墨竹三叢分段題跋前段書寫竹祕訣草書
寫竹祕訣蘇東坡問文與可墨竹法若何與
可曰竹之始生一寸之萌耳而節葉具焉今
畫者乃節節而為之葉葉而累之豈復有竹
故畫竹必先成竹於胸中執筆熟視以追其
所見如兔起鶻落少縱則逝坡嘗曰與可之

教余如是。余不能然也。不能者。內外不一心。手不相應。不學之過也。且坡公天資高邁。尚以為不學之過。況他人乎。故寫竹。必先得成竹於胸中。而後可以執筆熟視。以追其所見。不然。徒執筆熟視。將何所見而追之耶。古今學者雖多。得其門者或寡。不失之於繁雜。必失之於簡略。塵俗狼籍。不可勝記。但可發笑。惟文與可妙出天成。可比於聖筆。有神助。繁

簡得中輕重有度學者能遵其法初若苦於
拘至於純熟自可至於所不拘之地舍之而
欲望其成未之有也至正廿年五月九日梅
道人識鈴印二枚華盒嘉興吳鎮仲圭書畫
記一語未能分付時無言方信是真知善
乎陳公之言也故余錄之於首云鈴印二同
前晴霏光煜煜曉日影瞳瞳為問東華塵
何如北窗風梅道人鈴印二同前我亦有

亭深竹裏也思歸去聽秋聲 五月九日雨
窗獨坐陳芝田適顧余橡林故人相見不勝
欣喜其欲余墨竹其興浩然也吳鎮仲圭識
鈐印二同前

引首

小憩款王澍鈐印二恭壽先生王澍之印

鑒藏寶璽

五璽

寶笈三編

收傳印記叢桂堂真賞印吳氏用謙叔角鈐

縫共五印。霆章口口。用謙鏡菴吳氏用謙
又半印不可辨。
印半

元楊維禎五福圖 一軸

本幅紙本縱三尺八寸橫一尺五寸水墨畫
鍾馗騎驢鬼卒捧瓶隨後瓶中光氣上騰現
蝙蝠五款至正四年鐵笛道者畫 練書 鈐印一
楊維禎印

玉池

鐵崖五福圖余向烏溪王雨舟翁曾數閱過
極愛其筆勢精妙散而不野如鶴立雞羣超

一代之表茲乃復見於花林茅太峯寶墨軒
中太峯博雅好古不以口之將遺世世子孫
亦尤物之幸也嘉靖辛酉春中花朝前一日
青門沈仕識鈐印二青門山人南禺外史

軸內分鈐

高宗純皇帝寶璽乾隆御覽之寶乾隆鑑賞


鑒藏寶璽

五璽

寶笈三編

謹案王雨舟名濟烏程人正德中官橫州判
官致仕家居與祝枝山文衡山為翰墨游自

稱紫髯仙客建寶峴樓貯金石法書名畫世
稱白鐵先生茅泰峯名一相字國佐又號康
伯歸安人官光祿寺丞並見湖州府志沈仕
字懋學又號子登號青門山人仁和人刑部
侍郎銳子致見續編



明沈周畫山水一卷

本幅宣德牋本縱一尺六寸橫三丈五尺五寸八分水墨畫層巒疊嶂曲澗激湍逸士高人栖身自適款宏治庚戌歲吳人沈周製鈐印一启南

鑒藏寶璽

五璽

寶笈三編

明文徵明自書虎邱詩一卷

本幅紙本縱九寸七分橫七尺九寸行書虎
邱碧山收雨綠陰成白苧翻歌夏意清春事
不嫌三月盡勝遊剛喜四難并品泉有意追
鴻漸悟石無由問道生斜日滿原松影亂可
中亭上按簫聲短簿祠前樹鬱蟠生公臺
下石嶠顏千年精氣池中劍一壑風烟寺裏
山井冽羽泉茶可試草荒支磴鶴空還不知

清遠詩何處翠蝕苔花細雨斑嘉靖壬子七月十日書於玉蘭堂徵明無印記

引首

臨池逸興

篆書

款道復鈴印二西林白易山人

鑒藏寶璽

五璽

寶笈三編

明董其昌書杜甫醉歌行 一

本幅綾本縱八寸橫八尺行書神仙中人不易得顏氏之子才孤標天馬長鳴待駕馭秋鷹整翮當雲霄君不見東吳顧文學君不見關西漢陵老詩家筆勢君不原重一嫌詞翰不字升堂為君掃是日霜風凍七澤烏蠻落照銜赤壁酒酣耳熱忘頭白感君意氣無所惜一為歌行歌主客款書老杜醉歌行董其昌鈐

印三元賞齋宗伯學士董元宰

鑒藏寶璽

五璽全

寶笈三編

明董其昌仿黃公望山水 一卷

本幅絹本。縱八寸三分。橫三尺四寸四分。水墨畫雲山溪樹款。仿大痴筆意。元宰鈐印一。董元宰。

後幅

山之輪廓先定。然後皴之。今人從碎處積為大山。此最是病。古人運大軸。只三四大分合。所以成章。雖其中細碎處甚多。要之取勢為

主○吾有元人論米高兩家畫先得吾意○畫
樹之竅只在多曲○雖一枝一節無有可直者○
其向背俯仰全於曲中取之○或曰然則畫家
不有直樹乎○曰樹雖直而生枝發節處不都
直也○董北苑樹作勁挺之狀○特樹身耳○李營
邱則千屈萬曲無復直筆矣○枯樹最不可
少○時於茂林中間見乃奇樹○惟松柏槐柳要
森鬱其餘只在樹頭與四面參差一出入

一肥一瘦處著點綴。古人以木炭畫圈。隨圈而點之。正為此也。柳宋人多畫垂柳。又有點葉柳。垂柳不難畫。只要分枝得勢耳。點葉柳之妙。在樹頭圓鋪處。只以汁綠漬出。又要森蕭有迎風搖颺之意。其枝須半明半暗。又春二月柳未垂條。秋九月已衰颯。俱不可混設色。亦須體此意也。畫樹木各有分別。如畫瀟湘圖。意在荒率。即不當作大樹及近景。

藂木如畫園亭可作楊柳梧竹及古檜青松
若以園亭樹木移之山居便不稱矣如重山
複嶂又當直枝直幹多用攢點彼此相藉望
之模糊鬱蔥似入深林有虎嘯猿啼者乃為
相稱至春夏秋冬陰晴雨雪又不在言也

古人云有筆有墨筆墨二字人多不曉畫豈
有無筆墨者但有輪廓而無皴法即為無筆
有皴法而不分輕重向背明晦即為無墨古

人云石分三面此語是筆亦是墨可參也其
昌書鈐印二知制誥日講官董其昌印

鑒藏寶璽
全五里
寶笈三編

明人應制詩頌 三冊

本幅紙本對幅裝三冊上冊十一對幅中冊
十一對幅下冊九對幅皆縱八寸八分橫六
寸三分楷書瑞應甘露頌有序恭維皇上即
位以來海宇清明四方寧謐禮樂昭彰德化
均被仁恩浸漬乎八表和氣充溢乎兩間雨
暘時若民物康阜蠻夷戎狄罔不納貢是以
嘉徵瑞應駢臻沓至若麒麟騶虞甘露醴泉

之屬諸福之物不可殫紀皆已告之宗廟播
之頌聲而垂諸悠久矣今茲永樂十七年十
一月丁巳至於庚申甘露復降於孝陵松柏
凝枝綴葉連日不晞於是皇太子謹命采取
獻於闕下皇上復以頒賜文武羣臣芬芳旁
達鬱郁薰蒸羣臣受賜感戴欣悅咸稽首曰
惟皇上誠敬達乎天地仁孝格乎祖宗故天
不愛道地不愛寶所以降茲嘉瑞以昭聖德

之廣大。以為國家萬萬年太平之徵也。臣備
職詞垣。躬逢上瑞。謹拜手稽首而獻頌曰。於
穆聖皇。統御萬邦。仁恩覃被。化育昭彰。德洽
乾坤。功宏宇宙。雨暘時若。民物康阜。蠻夷戎
狄。莫不咸寧。梯山航海。納貢明廷。治功聿成。
禮樂明備。和氣沖融。感孚天地。惟天眷佑。景
命是申。百靈効職。嘉瑞畢陳。騶虞神龜。麒麟
白兔。諸福之物。罔不彌布。甘露瀼瀼。復降孝

陵凝於松柏和氣之微色炫珠璣光含瓊玉
馨香旁達芬芳鬱郁晶晶浥浥匪晞於陽如
飴如醴如脂如肪惟時臣民歡欣贊美中使
星馳獻於天子惟聖天子惟德寬仁以告宗
廟以錫釐臣等巨贊揚感恩實厚稽首闕廷
天子萬壽曰惟茲瑞以昭至治仁孝之孚誠
敬所致惟天監德惟天降康聖壽之符盛世
永昌聖子神孫以承以繼寶祚尊安四海永

治小臣蕪陋備職詞垣願陳詩頌播之萬年
款翰林院編修臣劉江謹進 瑞應甘露頌

有庠

永樂十七年十二月初三日皇太子遣

使進獻孝陵所降瑞應甘露皇上御奉天門
頒賜百官凡在廷文武之臣同霑恩澤不勝
欣躍伏惟皇上孝誠感通靈貺昭答故茲祥
瑞之應實告天地之和也臣忝職詞垣恭覩
盛事尤切歡忭謹拜手稽首而獻頌曰洪惟

聖皇受天明命德洽四夷恩加萬姓孝於宗
廟通於神明體信達順和氣充盈靈貺昭格
乃降甘露不於山林而於陵樹厭厭浥浥湛
湛瀼瀼凝結如膏潤澤如漿聯絡如珠涓潔
如玉味兼飴醴香滿陵谷况茲松柏蔚當孝
陵仁孝所感斯應嘉禎零庭著異表年紀歷
雖云漢瑞孰並今日惟茲上瑞太子敬恭玉
器以盛錦囊以封馳進行在獻於天子天顏

喜悅膺茲繁祉聖情孔嘉錫賚惟周乃宣乃
告共承天庥臣下均霑誠歡誠慶萬歲同辭
仁孝誠敬惟皇至仁元化升聞昭格穹蒼嘉
瑞來臻惟皇至孝達於宗廟靈氣孕育協茲
吉兆惟皇至誠食息靡寧緝熙至道惟一惟
精惟皇至敬實天眷命是降百祥欽承惟聖
小臣作頌仰聖瞻天太平有象於萬斯年款

翰林院編脩臣鍾瑛謹進 瑞應甘露詩甘

露降天乳明皇德重華格太清鍾山龍蟠五
雲起釀此天酒昭治平甘露降真天造敷茲
松柏枝膏潤盈豐草高帝洋洋闡聖靈為報
聖皇達孝孚穹昊甘露瀼瀼冰雪漙御前分
賜集千官脂肪明潤瑪腦瓊飴餉皎潔瓊瓊
盤膏露一日垂微應已難得連日彌布孝陵
之樹柯應是天彰我皇仁孝德在昔黃帝時
甘露湛玉英復聞唐堯日飲者肌膚盈乃知

聖人之德及四海。日月光華祥瑞呈。天闕宏
開紫微曙。時平散以軒轅精。邇來六千有餘
歲。聖皇撫運符嘉禎。曠世已無今。復覩百辟
抃舞騰歡聲。維時霜風凍林木。滿樹芬馨光
郁郁。日明珠璣麗璇霄。冬暖瓊瑤賁山谷。皇
儲是日際禎祥。載欣載矚心愉揚。盛以頽玉
瓶。襲之紫錦囊。遣使馳奉獻天子。金闕玉殿
生輝光。聖君御宇調元氣。錫此沆瀣玉液之

瓊漿羣臣霑恩呼萬歲願得聖壽如天長甘露降萬世昌款翰林院檢討臣余學夔謹進
瑞應甘露詩臣聞聖人之德配天地則天地之心欣合無間故必凝英萃和以昭其盛若黃帝之甘露虞舜之慶雲是也恭惟皇帝陛下以至聖之德統承太祖高皇帝基緒繼述之孝不忘乎心遵用舊章未嘗改作德化所及罔不愛戴故自天地之所覆載日月之

所照臨無有遠邇熙然太和動植之物亦各
生遂而太祖高皇帝之盛德大業愈益光明
是以天發其祥地闢其珍景星慶雲醴泉甘
露嘉禾瑞麥麒麟騶虞諸福之物駢臻沓至
近古以來莫有可比此臣等之所親見天下
之所共知者也而聖心惓惓益勤不懈乃永
樂十七年十一月十七日甘露復降於孝陵
凡四日松柏之上凝為玉脂融為瓊液粲若

垂珠聯若編貝臣民聚觀鼓舞懽抃咸以謂
甘露之降不於其他而於孝陵者蓋聖孝所
致也於是皇太子命採取馳獻北京皇上祇
薦宗廟頒賜百官芳香之氣旁達左右甘美
之味莫可擬倫誠天地之精英聖明之上瑞
所以彰皇上之大德為天地之所悅鑒景命
之隆長太平之悠久歷千萬世而益盛也昔
虞舜有慶雲之祥百工相和而歌之萬世之

下。因是想見帝舜之德使人起敬起慕。今聖德之大實同天地。甘露之瑞不異慶雲。是宜有紀也。臣愚不自揆。輒形之聲詩。欲以繼虞廷之歌。而垂之萬世。使知聖德格天之盛。巍然煥然如此。臣直議獻誠。忤稽首頓首。謹言。甘露昭聖孝也。有瑞甘露。其集穰穰。被于長松。孝陵之岡。如珠之英。如瓊之漿。於粲其光。承彼朝陽。有瑞甘露。其融浹浹。載霑載積。

孝陵之柏如勝斯白如玉斯潔其馨有烈敷
暢帝達維彼靈兮天乳之滋維此受兮上
帝之貽皇有大德神人具依集此大瑞福祿
攸宜皇德之大實配于天永言孝思太祖
是憲懿彼舊章于廟于宣夙夜敬恭穆穆乾
乾維太祖肇邦皇以廣之維太祖受民皇
以康之顯顯大猷萬邦仰之巍巍成功無以
尚之上帝太祖樂此德馨屢開厥祥甘露

斯零甘露斯零維帝命是膺維太祖是承皇
祖以攸寧乃取乃獻皇太子之恭乃錫乃
頌以洽於臣工匪飴匪醕既甘既融靈液攸
降物莫與同臣拜稽首天子萬年以臨下

民以對上天維禎維祥繼繼綿綿聖子神孫

萬世之傳款甘露八章章八句翰林院侍

銜名

數字原缺謹進

瑞應甘露詩聖主膺天眷垂衣

撫萬方至仁同五帝盛德配三皇繼述光前

烈敷施率舊章宏謨恢帝業大統正乾綱邁
古神功著維新治具張輿圖混海宇玉帛會
戎羌優寵加耆耄登庸盡俊良熙熙躋壽域
穆穆列明堂典禮嚴宗廟春秋謹禘嘗孝誠
孚太祖聖敬格穹蒼霄漢昭天乳園陵集瑞
祥碧空零沆瀣和氣釀瓊漿潤積松枝重珠
聯柏樹光低柯懸玉液高葉燦星芒色絢初
迎日寒輕未結霜玲瓏如綴目瑩潔若凝肪

彌布山岡遍沾濡草木芳皇儲親採摘中使
遠持將入獻金門曉呈來玉陛香玻瓈澄寶
甕琥珀湛瑤觴味勝傾仙醴甘疑出蜜房分
頒均虎衛賜飲徧鵷行頓喜沈疴愈還令老
者康嘉徵知有自異貺實非常已見神靈監
應符景運昌微臣欣迭覩拜舞頌虞唐款翰
林院修撰臣蕭時中謹進 瑞應甘露詩聖
皇御寶厯玉帛朝明堂深仁霑草木大孝孚

穹蒼太和既旁達瑞應斯昭彰天乳見氏北
璇霄麗光芒孝陵蔚嘉樹甘露發奇祥紫枝
湛玉液泣葉垂琳琅璀璨若聯璧涓潔如凝
肪甘比飴飭美馨回鬱鬯芳囊封獻天子龍
顏喜洋洋金盤映朝日玉甕涵秋霜靈篇紀
天酒瑞牒傳神漿登之薦宗廟頒賜羣臣嘗
一嚥清肺腑三呼感恩光明時信多幸靈貺
尤非常上天昭聖德萬壽益永昌微臣瞻盛

事作歌頌虞唐款翰林院編修臣曹義謹進
瑞應甘露詩聖皇撫鴻運至治昭文明仁
恩布萬國聲教暨八紘雨暘順時序和氣鬱
薰蒸維茲民與物涵育同欣榮氏北有天乳
光潤耀太清垂精降甘露呈祥于孝陵彌布
松與柏明潔如脂凝綴葉復盈柯焜耀猶繁
星太陽不能晞累日色逾增皇儲命採擷盛
以白玉嬰馳使獻黼宸景貺怡宸情聖皇尚

謙抑兢業戒持盈天語垂至訓頒賜當明廷
蟪珠光瑩徹飴飴味甘馨匪特清心神予以
延遐齡臣工欣抃舞黎庶騰歡聲惟皇敷至
德宗廟達孝誠肅恭神人和感召良有徵稽
之瑞牒中盛德及萬靈天心重眷佑載錫維
嘉禎聖壽億萬年乾坤共清寧小臣覩盛美
稽首歌太平款翰林院檢討臣劉永清謹進
維皇至仁敷佑下民神化覃被古昔莫倫

仰維皇考創造惟勤爰撫爰育曰維后恩皇
曰噫嘻恩深罔極凡可圖報靡不致力永言
孝思至德昭格上帝時歆適用昭錫天乳耀
芒軒轅孕精降于重霄集于孝陵實維甘露
凝珠綴星湛湛不晞灩灩其零其甘如醴其
美如飴如彼椒蘭苾芬孔宜維皇太子忻覩
禎祺遣使馳貢皇用悅怡迺命頒賜錫爾百
辟載拊載忻莫不感激稽首咸言和氣攸積

致茲靈貺式彰皇德維皇之德格于太清維
皇之孝通于神明嘉禎之集聖壽之徵小臣
作歌以頌昇平款翰林院檢討臣陳燧謹進
瑞應甘露詩聖皇御歷統萬邦巍巍功德
超虞唐奉琛獻璧紛梯航蠻夷職貢皆來王
聖皇純誠慕先皇脩舉禮法循舊章明禋嚴
祀禮備將孝敬不特蒸與嘗鍾山龍蟠屹崇
岡孝陵翼翼山之陽珠林玉樹森成行長松

古柏蛟龍翔靈氛絪縕霽以揚軒轅儲精天
乳明上天垂眷呈嘉祥錫此甘露何瀼瀼凝
柯泣葉如脂肪又若玉醴和瓊漿綴珠編貝
垂琳琅英采洞射流精芒天不愛道靈貺彰
東宮採之獻明堂上告郊廟仁澤滂下錫百
辟霑芳香甘如飴錫清雪霜入口頓覺心清
涼乃知神惠特異常載諸瑞牒誠輝煌麒麟
騶虞出遐方金獅白象雄且昂素烏皎皎呈

帝鄉慶雲祥靄紛飄颺嘉禾異麥年屢穰盡
見天珍與地藏眷茲甘露垂孝陵端由聖孝
昭穹蒼聖皇當宁垂衣裳四海永清民樂康
小臣何幸瞻清光稱頌盛美那能詳願祝聖
壽齊天長款翰林院修撰臣桂宗儒謹進
瑞應甘露詩有序永樂十七年冬十有一月
甘露降于孝陵凡四日皇太子命採取馳獻
于北京皇上御奉天門頒賜羣臣光潤凝結

如綴珠如編貝芬香烈烈達左右莫不歡
忻抃躍以為皇上至仁聖德感孚天地致茲
上瑞臣謹稽諸往牒有曰聖人之德上及太
清下及太寧中及萬靈則甘露呈瑞又曰帝
王恩及於物順於人則甘露降又曰王者敬
養耆老則松柏受之欽惟陛下敬恭天地輯
和人民神靈昭格故天不愛道地不愛寶凡
景星卿雲嘉禾芝草麒麟騶虞白鳥元兔諸

福之物希世之瑞莫不輯錄咨聖以彰皇上
格天之仁侔天之德今茲甘露降于孝陵是
由皇上踐阼以來遵用太祖高皇帝舊章享
祀宗廟禮物明備故甘露儲祥以表聖孝其
為瑞也誠足卓冠百王超超千古是宜美盛
德之形容播誠樂歌薦于郊廟以垂示無極
臣謹拜手稽首而獻詩曰皇網明皇道貞
仁恩沛澤周八紘感召和氣為依禎天乳明

潤甘露零被于松柏當孝陵綴如珠光如瓊
潤如肪甘如飴旭日照耀逾晶瑩上瑞斯為
聖孝徵東宮採取獻大廷盛以百寶黃金罍
是時聖后在北京六龍駐蹕垂霓旌天門洞
開天宇澄卿雲郁郁流光精醖韶合奏聲鏗
鈞馴獸率舞鸞鳳鳴龍顏悅懌頒恩榮百辟
拜受懽羣情淋漓苾烈含芳馨入口卻疾延
脩齡瑞圖昭昭稽可憑乃云聖人之德及太

清下及太寧中萬靈致茲聖瑞紛來呈我皇
聖德不可名神功偉績猶日星享祀宗廟俱
精誠貞符屢應昭治平億千萬載宏天聲款
翰林院檢討臣胡種謹進 瑞應甘露詩聖
皇純孝通天地甘露濃濃降孝陵自是神明
彰至德遂令天乳現嘉禎清光凝作瓊脂潤
和氣鍾為玉液馨儲嗣封章恭進獻龍顏有
喜永康寧九重頒賜恩如海百辟忻嘗味若

錫四海黔黎躋壽域萬方草木被光榮明時
禮樂超三代大地山河壯兩京諸福駢臻符
瑞應滿朝鼓舞動歡聲蠻夷向化皆賓服道
路交歌樂太平詞苑小臣逢盛事嵩呼萬歲
祝皇明款翰林院檢討臣郭張善謹進瑞
應甘露詩二首聖皇純孝格神祇天乳光芒
瑞應時鍾阜露涵銀漢曉孝陵樹合寶珠垂
灤灤靈液香同鬯湛湛神漿味若飴盛世欣

逢多景貺三呼稽首拜彤墀 孝德純誠感

上蒼天垂膏露表嘉祥清同沆瀣乘陽氣瑩
比琳琅發瑞光陵樹遠含千載潤御筵分賜
百官嘗小臣何幸逢昌運敬効嵩呼祝聖皇
款翰林院編脩臣陳坤奇謹進 瑞應甘露
詩聖皇承大統泰道屬昌辰盛德軒堯合神
功舜禹均衆星環紫極一氣播洪鈞屢致貞
符叶長膺景福臻儀庭來彩鳳在園集祥麟

已識雲垂慶。還看露效珍。神漿滋瑩潔。天酒
味清醇。敬仰皇靈著。明昭孝德純。金陵雄壯
麗。鍾阜蔚嶙峋。湛湛千林曉。瀼瀼萬壑晨。隨
風揚苾芾。映日粲璘璫。沆瀣凝瓊液。基圖萬
萬春。款翰林檢討臣周翰謹進。瑞應甘露
詩寶歷符昌運。皇圖協聖期。華夷俱率服。靈
瑞盡來儀。至德承宗廟。純誠格帝祇。孝陵先
著兆。甘露遂溥枝。彌布松柯厚。駢涵日色輝。

晶瑩如積雪光潔訝凝脂湛湛流瓊液灩灩
綴蜜脾輕明浮沆瀣的皪粲珠璣自是陰陽
宅魚令草木滋至和惟勃鬱元澤故淋漓潤
葉宵頻降盈條晝不晞已看濃勝醴更覺味
如飴法駕巡方日春宮入獻時中官乘旦採
驛騎獨星馳寶甕盛來滿金盤捧出奇芳馨
聞玉陛頒賜徧彤墀奕奕昭靈貺明明表孝
思屢臻嘉瑞應深見聖心怡益壽猶堪託清

神信可資羣工齊贊詠萬姓悉歡嬉共戴堯
仁廣咸嘉舜治熙皇情猶翼翼聖敬復夔夔
每切黔黎念頻將惠愛綏求賢勞夢想養老
及期頤和氣覃方域恩波洽九國天心知達
順時物自無疵屢覩禎祥集深惟福祿宜載
歌周雅什用獻萬年詩款翰林院侍講兼左
春坊左中允臣鄒緝謹進 瑞應甘露頌有
序臣述伏覩皇上即位以來追惟太祖高皇

帝孝慈高皇后創造之難致理之勤夙夜孝
思克敬克慎故每有所建嘉貺輒臻乃永樂
十七年冬十一月十七日丁巳甘露降于孝
陵連四日不止維時皇上巡守北京皇太子
盛以寶器謹遣使上獻皇上敬恭受之寵賜
羣臣以昭上天皇考皇妣之錫於是羣臣咸
拜手稽首言曰皇上營建都邑作新廟宮故
二聖在天監觀悅懌錫茲景貺以彰皇上至

仁達孝之心以為國家億萬年之慶也臣職
在詞林躬覩嘉瑞無任欣躍謹謨頌詩以獻
頌曰惟皇太祖天命顯膺惟皇高后坤德順
承二聖同心敷為至治化被當時裕垂後世
惟我聖皇紹踐鴻基至德神功與天巍巍思
皇考妣仁恩罔極達孝親親夙夜無斁迺建
新都迺營新宮迺立清廟翼翼崇崇二聖上
賓靈威赫奕陟降伊邇監觀悅懌監觀悅懌

在帝之旁有命自天煥發其祥其祥伊何曰
惟甘露滑滑瀼瀼徧覆彌布靡降于他降于
孝陵如冰之潔如脂之凝如珠之綴如玉之
瑩璀璨相輝煜煜交映惟皇太子肅恭是將
盛以寶器獻之明光皇曰嘻哉曷其致此考
妣付予亦天之畀皇敬受之以錫羣臣羣臣
飲之飴甘醴醇瘠者以豐痿者以起天者以
壽憂者以喜羣臣蹈舞颺言于廷至哉聖孝

顯有明徵顯有明徵神貺孔厚惟皇萬年惟
皇萬壽臣作頌詩播諸樂章薦之清廟永世
其昌款翰林院侍讀臣周述謹進 瑞應甘
露詩聖皇至孝格蒼冥甘露呈祥降孝陵五
夜光涵瓊液潤千林香藹玉脂凝薦登清廟
昭嘉貺頒賜羣臣慶瑞徵抃舞天階稱萬壽
欲追周雅愧無能款孔目
孔目字上臣杜謙
原缺數字謹進

鑒藏寶璽


全五

寶笈三編

收傳印記休寧朱之赤珍藏圖書

謹案劉江江寧人永樂戊戌賜進士第二授
編修江南通志作探范吳鍾瑒字汝器高要
人永樂辛卯進士授編修歷官大理寺正見
肇慶府志余學夔字一夔泰和人永樂甲申
進士歷官侍講蕭時中名可以字行廬陵人
永樂辛卯賜進士第一授修撰胡種吉水人
永樂間以蔭補檢討進侍講周述字崇述吉
水人永樂甲申賜進士第二歷官左庶子杜
謙星子人建文壬午舉人官孔目以上五人
俱見江西通志曹義句容人永樂乙未進士
見題名碑劉永清字汝弼石首人永樂己丑
結進士歷官廣東布政司湖廣通志陳

遜字廷嘉臨海人永樂辛卯進士
提學僉事見浙江通志桂宗儒字文
人預修永樂大典授新州同知擢修
字維翰鄞縣人永樂甲申舉人預修
典除翰林院典籍進檢討以上二人
府志陳坤奇龍溪人永樂乙未進士
見福建通志鄒緝字仲熙吉水人洪
進士歷官左庶子明史有傳郭張善
福建浦城人有張善永樂辛丑進士
史宣即其人歟



成親王書

御製銘一卷

〔本幅〕紙本縱一尺一寸橫二尺六寸楷書

御製文

席銘心神平坦反側自安衾影不愧故君子必
慎其獨凡銘敲則不可依平則有所守發號
出令而民悅此之謂也鑑銘鑑形曷若明心
鑑人遠勝鑑已明心別妍媸鑑人知休咎
鑑

槃銘潔吾面洗吾心面垢猶可除也心溺不可
濯也 楹銘大廈任重一木千鈞選爾良材固
爾心身棟隆吉守汝真 杖銘依道而行身相
資操之則安舍則危顛而不扶焉用之 帶銘
帶束身身斯修德束心心不游無時或釋福自
求 履履銘非禮勿動非道勿循躬行實踐立
定腳根 觴豆銘飲食鮮能知味農民辛苦毋
忘寰宇苟無饑饉不愧玉食萬方 戶銘義路

禮門賢良由此出入。蹈矩循規。宵小豈容踰越。
牖銘牖下祀先。沿古禮朝夕酌。匏復執豕萬
福之原。衷敬止。劍銘示威武。以劍定患。難以
德懦則倒持。剛近殘。刻磨礪用卓識。弓銘一
張一弛。至理足。心平體正。為君鵠執中。觀德敬
誠篤。矛銘逞小忿而貽大憂。小不忍則亂大
謀。曷敢為禍先。何用立爾矛。款臣永理敬書。

鈴印二臣理

鑒藏寶璽

全五璽

寶笈三編

阿爾裨畫扇 一冊

〔本幅〕紙本推蓬裝十二扇面一設色畫

一至
九十

二十同。松下立鶴四空際一鶴飛歸自題先是
三兒得古木寒鴉一扇大姪見而愛之易以
素簞兒似不能捨也噫爾曹真能寶余筆墨
哉其見獵心喜耶更為作松鶴示之松質堅
而永秀鶴影瘦而長清茂乃蒼蒼仙姿挺異
飛鳴倡和同德為羣迨其振羽身與音俱達

乎九霄之上老夫搦管蓋不計及此也而筆
已駸駸及之兒輩其毋效葉公之好龍可耳
艾子識之甲申五月廿三日香穀居士寫於
流雲書屋二畫熊與虎鬪於林間款香穀老
人戲墨三畫羣蛙喧爭水草間巨石屹立自
題邇愛作片石以消永日因想石在水草之
間尤脩媚有態蛙鼓喧爭令頑石不扣有餘
響也甲申夏五朔香穀老人偶筆記興四畫

三虎戲於山石上款阿爾裨五畫翡翠立於
石上六畫一鷹翔空際一鷹將搏兔款香穀
老人戲墨七畫虎伏於林下款夏日香穀老
人戲墨八畫虎據山石而立無款印九畫貓
十四或戲或蹲狀款阿爾裨十墨畫一蝦蟇
草間仰視狀十一畫荷花下垂一魚虎翔其
旁十二畫羊羣散牧於柳隄款阿爾裨分鈐
印
香古阿爾裨印
重香穀
重寶田
半印

上方

鶴者因金氣依火精以自養。金數九，火數七。七年小變，十六年大變，百六十年變止。千六百年形體定，尚潔故其色白，聲聞天故頭赤，食於水其喙長，軒於前後趾短，棲於陸足高，而尾凋，翔於雲毛豐而肉踈，大喉以吐故脩頸以納，新生大壽不可量，所以體無青黃二色者，木土之氣內養，不表於外，是以行必依。

洲嶼止不集林木鳴則聞於天飛則一舉千里二年落子毛易黑點三年產伏七年羽翮具又七年飛薄雲漢又七年舞應節晝夜十二時鳴中律又百六十年不食生物又七年大毛落茸毛生雪白或純黑泥水不汚復百六十年雌雄相視目睛不轉而孕千六百年

原脫年字

後飲而不食鸞鳳同為羣聖人在上則

與鳳鸞翔於甸

原注淮南八公相鶴經

白鶴乘空何處

飛青田峯。一本相依緱山七月雖長去遼水
千年會憶歸緱山杳杳翔寥廓遼水累累歎
城郭經隨羽客步丹邱曾逐仙人遊碧落迢
迢碧落斷氛埃霞堂雲閣幾重開欲尋東海
黃金竈仍向西山白玉臺九皋獨唳唳原誤
作喉
方親切五里驚羣俄斷絕月下分行似度雲
風前漾影疑迴雪風前月下路漫漫水宿雲
翔去幾般宛轉能傾吳國市徘徊巧拂漢皇

壇琴中作曲從來易鼓裏傳聲有甚難夜夜

恒飛銀漢曲朝朝常飲玉池瀾別有聞

聞原誤作

閒簫出紫烟還如化履上青天霜毛忽控三

神下玉羽俄看二客旋燕雀終迷橫海志蜉

蝣豈識在陰年莫言一舉須

須全唐詩作輕

千里為

與三山送九仙

武三思仙鶴篇原誤作瑞鶴記

月中時叫葉

紛紛不異洞庭霜夜聞翎羽如今從放長猶

能飛去向孤雲

原注賈島詠崔卿池上鶴是幅惟賈島詩在右方以上

幅一

導雒宜陽右。乘春別館前。昭儀忠漢日。

太傅翊周年。列射三侯滿。興師七步旋。莫言

舒紫褥。猶異清清泉。

原注李嶠詩

鄭子產聘於晉

晉侯有疾。韓宣子曰。寡君寢疾於今三月。並

走

原誤作并足

羣望有加。而無瘳。今夢黃熊入於

寢門。其何厲鬼。對曰。以君之明。子為大政。其

何厲之有。昔堯殛鯀於羽山。其神化為黃熊。

實為夏

原脫夏字

郊。三代祀之。晉為盟主。其或者

未之祀乎宣子祀夏郊

原脫郊字

晉侯有間

節錄左傳

文

梁劉孝威謝熊啟曰竊以館有射熊之名

臺無走狗之號上林絕胡人之搏禁地無張
京之犯而突出羽林來攀御檻光踰厚壁殆
獲朱公之價色麗燭銀將堪穆王之寶 酉
陽雜俎曰熊膽春在首夏在腹秋在左足冬
在右足冬蟄不食饑則自舐其掌故其美在
焉膽善辟塵試之以淨衣一器塵幕其上投

膽米許則凝塵豁然而開也

膽善辟塵以下
出齊東野語

趙簡子病不知人五日寤而曰我之帝所見

一熊欲攫我帝命我射之中熊熊死後有當

道者曰帝令主君滅二卿熊其祖也

節錄史
記文

漢孝元帝馮昭儀上幸虎圈鬪獸後宮皆坐

熊出圈攀檻欲上殿昭儀乃當熊而立及左

右格殺上問人情驚懼汝何故前當對曰夫

猛獸得人而止妾恐熊至御座所以身當之

耳帝咨歎以此倍敬重之

事出漢書

柳宗元曰鹿

畏羆羆畏虎虎畏熊

按柳宗元羆熊有居大說作虎畏羆

熊有居大

樹孔中東土呼之為子路以物擊樹云子路

可起於是便下不呼則不動也事出異苑然

其呼子路者為其勇而已無款印

以上二幅

十

一月廿八日襄頓首別已經年每疏馳問但

極瞻跂之懷人至承書窺攬辭意豈勝感著

夏間郡邑清閑總適神情自有高趣仰羨襄

款音布。鈴印三。清靜貞一。足以自娛。音布之

印聞遠

三以上幅

皇帝避暑乎九成之宮。此則

隋之仁壽宮也。冠山抗殿。絕壑為池。跨水架

楹。分巖竦闕。高閣周建。長廊四

原脫四字

起。棟宇

膠葛。臺榭參差。仰視則遙遙百尋。下臨則崢

嶸千仞。珠壁交映。金碧相輝。照灼雲霞。蔽虧

日月。款臨九成宮。邵尚文。鈴印三一見了然

毓書山陰世家

以上四幅

成王時。蒼梧獻翡翠

出周書

左傳曰鄭子臧好聚鵠冠

范子曰計

然者范蠡知其賢人卑身事之請受道藏於石室乃刑白鵠而盟焉 陳朱崖太守袁洪兒小名誇郎嘗野見翠鳥命羅得之袁甚愛玩清夜月明徹燭長吟忽失鳥所在見一婢子立在其左誇郎甚異之曰汝是青衣婢子曰某王家二十七娘子從嫁本名翡翠偶因化身游行便為袁郎羅得因為邀封郎與相

吟詠封郎名平仲遂為媒取王家女名從從
第二十七久之妻慘然飾行裝誇郎問封生
封生曰丈人晉侍中王濟也久為陰交州牧
今改并州刺史遂相與別及歸太守求不得

已近一年

出幽怪錄青衣婢
子上脫離家二字

張確嘗游雪上

白蘋洲見二碧衣女子攜手吟詠云碧水色

堪染白蓮香

原脫香字

正濃分飛俱有恨此別幾

時逢藕隱玲瓏玉花藏縹緲容何當假雙翼

聲影暫相從。確逐之。化為翡翠相呼相喚飛。

去

事出樹
董錄

蔡邕詩曰庭前有石榴綠葉含丹

榮翠鳥時來集振翼脩容形迴顧生碧色動

搖揚影青

此詩少
寫二韻

陳子昂詩曰翡翠巢南海

雄雌珠樹林何知美人意驕愛比黃金殺身

炎州裏委羽明堂陰旖旎光首飾威蕤爛錦

衾豈不在遐遠虞羅忽見尋多材信為累歎

息此

此原誤
作此

珍禽

此詩亦
未禽

王問辭曰翠翠復

翠翠雙飛亦雙止西風吹老芙蓉枝水冷河
清魚不起朝從南海去暮仍珠樹歸娟娟波
心影氍毹身上衣今日沙頭忽不見點上吳
宮美人面江淹賦曰彼一鳥之奇麗生金
洲與炎山映銅陵之素氣灌碧磴之紅泉斂
慧性及馴心騫翹翼與青羽終絕命於虞人
充南睎於內府備寶帳之光儀登美女之麗
飾雜白玉而成文糝黃金而為色專妙采於

五都擅精華以八極。郭璞贊曰：翠雀縻鳥，越在南海，羽不供用，肉不足宰，懷璧其罪，賈害以采。河南府伊闕前臨大溪，每僚佐有入臺者，則溪水中先有小灘漲出，牛僧孺為縣尉，一旦忽報灘出，翼日邑宰與同僚列筵於亭上觀之，因召老宿備詢其事，有老吏云：此必分司御史罪。西臺之命若是，西臺灘上當有翡翠一雙立，前僧孺潛揣縣僚無出已。

右者因舉杯曰既有灘何惜一雙翡翠宴未

終果有一雙飛集旬日拜西臺御史

翡翠劇談錄作

鵝蘇軾官舍小池有翡翠遺二小雛詩曰半

畝池清荇藻香一雙翡翠競悠揚來從碧磧

巢安在飛過重城母自將野鳥似非官舍物

宰君昔是釣魚郎直言愧比奇章老得縣無

心更激昂唐彥謙詩一宿南塘烟雨時好

風搖動碧波微驚離曉岸衝花去暖下春汀

照影飛華屋。撚絃彈鼓。

原脫鼓字

舞綺窗含筆澹。

毛衣畫屏見後長。迴首爭得雕籠莫放歸。

全唐

詩係詠

龜蒙序曰。客有過震澤得水鳥所謂

翡翠者。貺予黑襟青脰碧爪丹喙。色變及項

質甚高而意卑。戚畏人。余極哀其野逸性。又

非能招累而囚錄籠檻。逼視窗戶。俛啄仰飲。

為活大不快。真天地之窮鳥也。為之賦詩擬

好事者和。

翡翠本集作鵪鶉。又非能招累者。

李羣玉

詩錦衣相呼暮沙曲波上雙聲戛哀玉霞明

川靜極望中一時飛滅青山綠無款印

以上五幅

一兔橫身當古逕蒼鷹一見便成擒後來

獵犬無靈性猶向枯椿舊處尋款韓大伯頌

以上六幅

虎山獸之君也

原誤作山君之獸也

夜視一目

放光一目看物聲咤如雷風從而生

語本物論格

易通卦驗云立秋始嘯仲冬始交孕七月而

生知衝破能畫地觀奇偶今人效之抱朴子

曰虎及鹿兔皆壽千歲五百歲變白原注然今之白

兔未必五百歲也又云海中虎鯊能變虎揚雄方

言原誤作法言云陳魏謂之李父江原脫淮南楚

謂之李耳或云魑魍原注左傳作烏釋爾雅云

淺毛曰魑原注作棧貓原脫白曰魑音黑曰魑音

似虎而五指曰魑似虎而非真曰魑似虎而

有角曰虎虎山獸之君也以下係李時珍本草綱目引格物論易通卦驗等書

爾雅云淺毛曰魑貓白曰魑黑曰魑是引爾雅釋獸稍變其文似虎而五指曰魑三句非

爾雅
文

春秋運斗樞曰樞星精為虎

酉陽雜

俎曰虎有骨如乙字長一二寸在脇兩旁皮

內尾端亦有之佩之臨官氣雄 明沈周詩

曰成化十一年九月偽言虎至爭慌惚前邨

漸報啗老翁後邨少年撲見骨昨聞鄰子說

果見夜聞噉哮竦毛髮起從壁孔稍窺覘恰

有微月映屋缺

以上八幅

景泰初西番貢一貓

道經陝西莊浪驛時福建布政司朱彰以事

謫為驛丞使人問何異而上供使臣書示云
欲知其異今夕請試之其貓盛罩以鐵籠納
於空室內明日起視有數十鼠伏籠外盡死
使臣云此貓所在雖數里外鼠皆來伏死蓋
貓之王也事出續編左軍使嚴遵美閭官中仁
人也嘗一日發狂手足舞蹈傍有一貓一犬
貓忽謂犬曰軍容改常也顛發也犬曰莫管
他俄而舞定自驚自笑且異貓犬之言遇昭

宗播遷乃求致仕

事出北夢瑣言

貓一名蒙貴一名

烏圓及考爾雅注蒙頌即蒙貴捕鼠勝於貓

則與蒙貴又似二物也

此條節錄格物論

羅大經詩

曰白玉狻猊藉錦茵寫經湖上淨名軒吾方

大謬求前定爾亦何知不少喧出沒任從倉

內鼠鑽窺寧似檻中猿高眠永日常相對更

約冬裘共足溫

此係宋張無盡貓詩

金李純甫貓飲酒

詩曰枯腸痛飲如

犀首奇骨當封似虎頭嘗

笑廟謀空食肉何如天隱且糟邱書生幸免
翻盆惱老婢仍無觸鼎憂只向北門長卧護
也應消得醉鄉侯明文壁乞貓詩曰珍重
從君乞小狸女郎先已辦纓綸自緣夜榻思
高枕端要山齋護舊書遣聘自將鹽裹箸策
勲原作勤莫道食無魚花陰滿地春堪戲正是
蠶眠二月初尹文子曰使牛捕鼠不如狸
狌之捷子瞻曰養貓以捕鼠不以無鼠而

養不捕之貓余謂不捕鼠猶可也不捕鼠而

捕雞則甚矣雖然均捕也

語見鶴林玉露

東方朔傳

曰騏驥騄耳飛兔驎駟天下之良馬也將以

捕鼠於深宮曾不如跛貓

以上九幅

賈似道在

揚州有道人求見問其所能曰善畫蓮秋壑

館之於小金山放鶴亭索絹四幅閉門不容

觀者逾五六日似道自往觀之僅畫一葉傾

露滴滴流下滴於石上復散滴於地見其精

妙令了之道人辭去每挂壁上風起則荷葉
動露珠傾已而復然道人不可復索矣趙
昌作昌善畫花設色明潤筆跡柔美有名於
蜀士大夫舊云徐熙畫花傳花神趙昌畫花
寫花形然比之徐熙則差劣其後鄧宏王友
之輩皆弗逮也荷花生泥汙之中出於水而
不著水昌此花標韻清遠能識此意耳參
寥子嘗在臨平道中作詩云風蒲獵獵弄輕

柔欲立蜻蜓不自由五月臨平山下路藕花
無數亂汀洲東坡一見為寫而刻諸石宗婦
曹夫人善丹青作臨平藕花圖人爭影寫蓋
不獨寶其畫也釋惠安惠山中無刻漏乃
於水上立十二葉芙蓉因波隨轉分定晝夜
以為脩道之節謂之蓮花漏佛藏云惠安於
水上置十二銅
葉芙蓉葉字
上當有銅字無名氏綠意碧圓自潔向淺洲
遠浦亭亭清絕猶有遺簪不展秋心能卷幾

多炎熱。鴛鴦密語能傾蓋。且莫與浣紗人說。

怨

原脫一字

歌忽斷花風。碎卻翠雲千疊。回首當

年漢舞怕飛去。漫綰留仙裙褶。戀戀青衫猶

染枯香。還笑鬢絲飄雪。盤心清露如鉛水。又

一夜西風聽折。喜淨看。匹練秋光倒瀉。半湖

明月。

江淮間有水禽號魚虎。

原脫虎字。出石林詩話。

一名魚師。

出埤雅。

本草集解曰。魚狗處處水涯

有之。大如燕。喙尖而長。足紅而短。背毛翠色。

帶碧翅毛黑色揚青可飾女人首物爾雅謂

之竭

爾雅云翠鵒此云謂之竭當是鵒字

宋文同詩曰清晨有

珍禽翩翩下魚梁其形不盈握毛羽鮮且光

天人裁碧霞為爾縫衣裳晶熒眩我目非世

之青黃愛之坐良久常恐瞥爾翔忽然投清

漪得食如鍼鉉如是者三四厭飫已一朘既

飽且自嬉翻身度回塘飛鳴逐佳匹相和音

琅琅韓偓詩曰天長水遠網羅稀保得重

重翠羽衣挾彈小兒多害物勸君莫近五陵

飛

唐錢起詩曰有有

下有字行

意蓮葉間瞥然

下高樹擘波得潛魚一點翠光去

狗虎師

皆獸之噬物者此鳥害魚故得此類命名

出本

草綱

龜蒙云春水漸生魚易得不辭風雨坐

多時

此係陸龜蒙草碧詩以上十一幅

辛稼軒帥淞東時

晦菴南軒任倉憲使劉改之欲見辛不納二
公曰改之豪傑也善賦詩可試之改之至長

揮公問能詩乎。曰能。時方進羊腰腎羹。命賦之。改之對寒甚。願乞卮酒。酒罷乞韻。時飲酒手顫。徐漉流於懷。因以流字為韻。即吟云。拔毫已付管城子。爛首曾封關內侯。死後不知身外物也。隨尊酒伴風流。卒大喜。命共嘗此羹。終席而去。乃厚餽焉。事出山房隨筆絕飲懲澆俗。行驅夢逸材。仙人擁石去。童子馭車來。夜玉含星動。晨瓊映雪開。莫言鴻漸力。長牧上林

隄原注唐李細肋柔毛飽卧沙煩公遣騎送

寒家忍令無罪充庖宰原誤作厨留與兒童駕小

車原注宋黃魯直戲答張祕監餽羊細肋胡羊卧苑沙長春

宮使蹋霜羝蒺藜苗盡初蕃息首着盤空莫

歎嗟自乏良謀甘更鄙猶能大嚼快無涯磨

刀為削朝霞片時引清杯興更嘉原注梅堯臣江都幾

寄羊長髯主簿有佳名羖首柔毛似雪明牽

引駕車如衛玠叱教起石羨初平出都不失

成君義跪乳能知報母情千載匈奴多牧養

堅持苦節漢蘇卿

原注文
天祥

唐張說為留守奏

羊乳麀表曰狎擾因依動息隨戀如從所產
若素同羣理有可嘉事無前例 宋梅堯臣

逢羊詩序曰予晨過北郭見羣羊有羝處前
其首昂然而偉脂其角拱然而聳其毛茸然
而長自膊至腕綽綽與纓胡相若其羣很逐
而擁趨如奉焉及其宰也羝存而羣死之予

歸作詩示諸友云款大覺性音鈴印二性音

之印迦陵

以上十
二幅

鑒藏寶璽

五璽
全

寶笈三編

[illegible]

董誥畫山水 四軸

〔本幅紙本縱二尺二分橫八寸四分設色畫〕
山水各有隸書標題一南山松翠二曲渚荷
香三錦幃丹林四僊巖香雪款 臣董誥恭畫

鈐印二 臣誥同 四軸

御筆分題楷書

松嶺崎嶇菴翠雲英英嵐氣互紛紜封中層疊
翻濤韻古寺鯨音物外聞 板橋曲折接芳汀

水面涼颼送遠聲層閣虛明臨碧渚平鋪翠縠
綴繁星白雲出岫映禪關相趁楓林絢碧山
峭壁臨流沿石磴舟停岸角對孱顏峯頂方
亭繞赤欄懸崖百尺挂飛湍高低玉蓋千枝爍
花雪泉香仙境寬每幅鈐寶二筆正心正嘉
慶御筆

鑒藏寶璽

五璽全

寶笈三編

四幅同